

UNIVERZITET U SARAJEVU
KOORDINACIONI ODBOR
I KONGRESA STUDENATA „HRANA-ISHRANA-ZDRAVLJE“

Sarajevo, 14.4.2016. godine

Partnerskim fakultetima

PREDMET: OBAVJEŠTENJE O ORGANIZOVANJU I STUDENTSKOG KONGRESA
„HRANA-ISHRANA-ZDRAVLJE“

Poštovani,

Ovim putem Vas obavještavamo o organizovanju I studentskog kongresa „HRANA-ISHRANA-ZDRAVLJE“ na Univerzitetu u Sarajevu, s ciljem promovisanja univerzalnih vrijednosti zajedništva i multidisciplinarnog pristupa u proizvodnji hrane, njenom higijenskom statusu i kvalitetu, različitim načinima ishrane, kao i mogućim zdravstvenim implikacijama na čovjeka što će biti od izuzetne važnosti u rješavanju značajnijih pitanja u ovoj životnoj oblasti.

Ovakav pristup u sagledavanju ovog kompleksnog pitanja, kroz multidisciplinarnost, predstavlja i savremeni trend „evropske nacije“, u iznalaženju najracionalnijih odgovora na mnoga pitanja gotovo u svim sferama društvenog života i djelovanja.

U organizaciji Kongresa uzet će učešće studenti grupacije medicinskih, humanističkih, prirodno-matematičkih i biotehničkih nauka Univerziteta u Sarajevu.

Koordinacioni i Organizacioni odbor su definisali teme koje će biti predmet istraživanja i pisanja studentskih radova, a odnose se na slijedeće oblasti:

1. Primarna proizvodnja i prerada hrane;
2. Aditivi u prehrambenoj industriji;
3. Toksikologija i sigurnost hrane;
4. Savremena dijagnostika i analitika hrane;
5. Ishrana tokom životnog ciklusa;
6. Dijetoterapija;
7. Biotehnologija u ishrani ljudi;
8. Organska i tradicionalna hrana.

Realizacija Kongresa je predviđena za 7.- 9. juli 2016. godine (7. juli- svečano otvaranje-koktel u Vijećnici; 8. i 9. juli- prezentacije radova prema sekcijama u prostorijama Poljoprivredno-prehrambenog i Farmaceutskog fakulteta). U radu Kongresa pored studenata Univerziteta u Sarajevu očekuje se učešće i studenata drugih bh univerziteta kao i studenata sa univerziteta iz susjednih zemalja.

Više informacija možete pronaći na web stranici kongresa: www.hranaishranazdravlje.ba.

Pozivamo Vas da nam se pridružite i time doprinesete ovom skupu!

Koordinacioni odbor